

Greenland Oil Spill Response A/S-ip ingerlatsinermi ileqqorissaarnissamut maleruagassiai

Tungaviusut suliffeqarfimmi ingerlatsinermi aamma sulisut¹ pissusilersuutaanut aqutsisuusut ersarissarnissaat, Greenland Oil Spill Response A/S-ip (GOSR) ingerlatsinermi ileqqorissaarnissamut maleruagassaanni siunertaavoq.

Ingerlatsinermi ileqqorissaarluni pissusilersornissaq pillugu maleruagassat atuarnissaat paasinissaallu, sulisut ataasiakkaat pisussaaffigaat. Maleruagassat nassaassaasut GOSR-ip soorunami eqqumaffigeqqussavaa, kiisalu ingerlatseqatigiiffiup nittartagaani kalaallisut, danskisut tuluttullu pissarsiarineqarsinnaasunngortissallugit.

Inatsisit, maleruagassat, aaliangersakkat allallu malittarisassat attuumassuteqartut allat sukkulluunniit – minitaqartoqarani - malinneqarlutillu ataqqineqarnissaat, GOSR-imut ingerlatseqatigiiffittut sulisunullu ataasiakkaanut tamaginnut atuuppoq.

Sullivimmi avatangiisit akisussaassuilimmillu pissusilersorneq

Naatsorsuutigineqarpoq, qinngasaarinani, uumisaarinani imaluunniit immikkoortitsinani suaassuseq, suminggaanneerfik, qalipaak, oqaatsit, upperisaq politikikkut allatigulluunniit isummertarneq, sumiuussuseq inuiaqatigiinniluunniit sorlerneruuneq, nunami namminerimi ikinnerussuteqartuunersuuneq, pisuussutinut tunngasut, ukiut, inunngorfik imaluunniit pissutsit allanut tunngasut suulluunniit tunngavigalugit immikkoortitsinani sullivimmi avatangiisini akuutitsinissamut sulisut ataasiakkaat peqataassasut, naatsorsuutigineqarpoq.

Sulisutut, aqutsisutut imaluunniit siulersuisuni ilaasortatut suliassat isumagineqassasut aammalu oqartussanut, pisartagalinnut, ingerlatsinermi attaveqaatinut, suleqatinut allanullu GOSR-imut attuumassutilinnut eqqortumik pissusilersortoqassasoq, naatsorsuutigineqarpoq.

Peqqinneq, Avatangiisit Isumannaallisaaerlu

Peqqinnissap, avatangiisit isumannaallisaaerullu isumaginissaannut suliniuteqarneq suliffeqarfitsinni akuutinneqarluni ilaalluinnarpoq. Inuiaqatigiinni akisussaaqataasutut aammalu ingerlatseqatigiiffiup inatsisitigut aaliangersakkatigullu pisussaaffiisa saniatigut, piujuartitsisussamik ajoqusiisumik avatangiisinut sunniutaasussanik annikillisisussamik, GOSR-ip suliaqarneq ingerlappaa.

Toqqissisimanartumik aammalu inuit ataasiakkaat peqqissusaannik siuarsaataasumik aammalu avatangiisit mianeralugit ingerlatseqatigiiffimmi sulinerup ingerlannissaanut, sulisut tamarmik akisussaaqataapput.

Oqaatsinut politikki

GOSR-ip oqaatsinut politikiani attaveqaqatigiinnermi tamarmi oqaatsinik atuinissaq maleruagassiivigineqarpoq.

GOSR suliffeqarfiuvoq oqaatsinik arlariinnik atuiffiusoq, oqaatsillu atorineqartut tassaallutik kalaallisut, danskisut tuluttullu.

GOSR-ip nittartakkakut avammut attaveqarnera kalaallisut, danskisut pisariaqartillugulu tuluttut ingerlasarpoq.

Aallaaviatigut oqarasuaatikkut sianernerit, mailit saaffiginnissutillu allat oqaatsit pingasut taakkua arlaat atorlugit GOSR-ip akissuteqarfigisarpaat.

¹ GOSR-imi akissarsiaqartinneqarlutik nammineq kajumissutsiminnik uuliakoornernik akiuniartartut allakkiami matumani 'sulisunut' imaluunniit 'atorfeqartunut' taaguummi pineqartunut ilaatinneqanngillat

Soqutigisat aporaannerat, tatigeqatigiinneq aamma paasissutissanik atorerluineq

Namineerlutik soqutigisamik aamma GOSR-ip soqutigisaasa aporaatinginnissaat, sulisut ataasiakkaat qulakkiigassarivaat. Sulisoq ingerlatseqatigiiffiup soqutigisaannik ajoqusiinnaasumik imminut imaluunniit ilaqtaminut iluaqtissartaqartitsiniarsareqqusaanngilaq, taamatut iliuseqarneq pillarneqaataasussatut imaluunniit pillarneqaataasusaanngitsutut isigineqarsinnaanersoq apeqqutaatinnagu. Tamanna suleqatigisartakkanut eqqarsaatigineqarsinnaasunut tamanut atuuppoq, kattuffiit, inuit ataasiakkaat imaluunniit allat GOSR-mut attaveqarsimasut imaluunniit attaveqarniarsarisimasut ilanngullugit.

Sulisut suliffeqarfimmi sulinerminnut atatillugu, GOSR-ip pisortaannit sioqutsisumik akuersisoqarsimatinnagu, ingerlatseqatigiiffiup saniatigut allanit taarsiissutinik tigusaqqusaanngillat.

GOSR-ip, sulisup allaluunniit iluanaaruteqarnissaa imaluunniit iluaqtissarsitinneqarnissaa anguniarlugu paasissutissanik isertuussanik imaluunniit suliffeqarfiup iluaniittunik atuisoqqusaanngilaq. Assersuutigalugu makkua pineqartunut ilaapput:

Aktiaatinut niuerfimmi imaluunniit niuerfimmi allani, GOSR-ip ilumini imaluunniit allani tamanut ammasuunngitsuni paasissutissanik atuiffigisagaanni, sulisup imaluunniit allap iluanaaruteqarniarluni imaluunniit killilimmik annaasaqarniarluni, sulisup imaluunniit allap iliuseqarneri.

Pilersuisumut isumaqatigiissummik tunniussinermut atatillugu iluanaaruteqarniarluni imaluunniit iluaqtissarsiniarluni paasissutissanik isertuussanik imaluunniit suliffeqarfiup iluaniittussanik, atuineq.

Naatsorsuutini najoqqutassanik piaarluni eqqunngitsumik atuineq imaluunniit attaveqaqateqarneq, tamanna sulisup imaluunniit allat iluaqtigissaneraat apeqqutaatinnagu, peqquserlunnertut isigineqassaaq.

GOSR akuersiseqqaarnagu sulisup suliffeqarfiup iluani paasissutissat imaluunniit paasissutissat isertuunneqartussat inunnut, ingerlatseqatigiiffinnut oqartussanulluunniit paasissutissanik taakkuningga inatsisitigut piumasaqarsinnaanngitsunut tunniuppagit imaluunniit pissarsiarineqartussanngortippagit, nipangiussimasussaataaeramik unioqutitsinerussaaq.

Paasissutissat suulluunniit suliffeqarfiup iluani avataaniluunniit kukkunerisuisartunut isertuunneqassanngillat.

Akiliilluni peqquserlutsitsinerit, tunissutit aamma iluaqtissartaasut

Akiliilluni peqquserlutsitsineq, ileqqorlunneq imaluunniit allatigut ingerlatsinermut tunngassuteqartunik naapertuutinningsuliorneq, GOSR-ip akuersaanngilaa.

Tunissutit aamma iluaqtissarsinerit allat namineerluni iluaqtiginiarlugit, GOSR-mut imaluunniit allamut tiguneqaaqusaanngillat imaluunniit tunniuteqqusaanngillat. Pisoq pillarneqaataasusaanersoq imaluunniit pillarneqaataasusaannginnersoq apeqqutaatinnagu, pineqartup akisussaaffeqarfimminut tunngatillugu aalajangersimasumik pissusilersortinnissaa imaluunniit pissusilersortinnginnissaa siunertarlugu, sulisup pisortani tjenestemandi imaluunniit ingerlatsivimmi attaveqaat pissusaatitaanani iluaqtissartaasunik neqeroorfigeqqusaanngilaa, neriorsoqqaanngilaa imaluunniit sunilluunniit pissarsiteqqusaanagu.

Tunissutit imaluunniit iluaqtissarsinerit allat tunniunneqartut imaluunniit tiguneqartut, ingerlatsineri ileqqorissaarnissamut maleruagassanut naapertuuttumik pisassapput. Tunissutit aamma iluaqtissarsinerit allat annertunngippata, naleqarnerat akulikissusaalu eqqarsaatigalugit aammalu piffissaq sumiiffillu assuarineqarsinnaanngippata, aatsaat tiguneqarlutillu tunniunneqarsinnaapput.

Aaqqissuussinerni imaluunniit ataatsimeersuarnerni GOSR-ip saqqummiilluni peqataaffigisaani sulisoq annikitsumik takussutissamillu tunissutisippat, tunissut killissarititaasumit DKK 300-mit naleqarnerunngippat, soqutigisat aporaatsillugit iliuseqarnertut isigineqassanngilaq.

Aaqqissuussinerni allat akiliuteqarfigisaanni sulisut peqataanissartik tamatigut mianersuuttassavaat. Peqataaneq taamaattoq soqutigisat aporaannerannik kinguneqarsinnaavoq aammalu tamatigut pisortaatitanit akuerineqaqqaartassalluni.

Pisortaatitanit tamanna akuerineqarsimangippat sulisut nereqatigiinnerit, allanik angalatitsinerit najugaqartitsinerilluunniit akileqqusaanngilaat.

Atoqatigiinnernut tunngasunik kiffartuussinert, aangajaarniutit

Atoqatigiinnernut tunngasunik kiffartuussinernik pisinerit tunisinerilluunniit suliffeqarfiup naleqartitaannut tunngaviusunut ataqatigiisneqarsinnaanngitsutut, GOSR-ip isigai.

GOSR suliffeqarfiuvoq ikiaroorfiunanilu imigassartorfiunngitsoq, aammalu nalinginnaasumik sulinerup nalaani aangajaarniutitik atuneq inerteqqutaavoq. Kisiannili pisuni immikkut ittuni, aaqqissuussinerni aalajangiunneqartuni pisortaatitat akuerisaanik, killilimmik aalakoornartortalinnik sassaallertoqarsinnaavoq, tamatumani aalakoornartutortoq peqatigisaanik maskiinanik atortunillu ingerlatsinissamut akisussaaffeqangippat, biilertussaangippat allatigulluunniit aalakoornartutorsimasumut tulluanngitsumik suliaqartussaangippat. Suliffiup avataani aangajaarniutitik atuneq sulisup nammineq akisussaaffigaa, kisianni sullivimmi avatangiisinut imaluunniit immikkut sulisup atorfimminik isumaginninneranut sunniuteqarnerlutsinneqanngisaannassaaq.

Sulisut atonerluinermik ajornartorsiutillit GOSR-imiit ikiorserneqarnissaminnik neqeroorfigineqartarput, aangajaarniutitik atonerluineq sulisup suliassaqarfimminik isumannaatumik naammassinnissinnaaneranut ataqatigiisneqarsinnaanngitsutut isigineqarmat, taamatullu suliffimmi sullivimmi avatangiisinut pitsaanngitsumik sunniuteqartarmat.

Sulisup nammineerluni ujartorpagu, GOSR pujortarunnaarnissamut suliniummik neqerooruteqartarpoq.

Avataaniittunik attaveqaqateqarneq

Paasissutissat GOSR-imeersut sutigut tamatigut tutsuiginartuullutillu eqqortuussapput aammalu suliaqarnerup pitsaassusaata qaffasissuunissaa ileqqorissaarnerullu pitsaasuunissaa attanneqassaaq. Tusagassiorfinnut imaluunniit tamanut ammasumik attaveqaqatigiinnermi malittarisassat aaliangersimasut malinneqassapput, ilanngullugit isertuussassanik isertuussinissaaq. Allamik allasimasoqangippat, siulittaasoq imaluunniit pisortaatitat tusagassiorfinnut imaluunniit tamanut ammasumik ingerlatseqatigiiffik sinnerlugu oqaaseqartussaapput.

Siulersuisuni ilaasortaaffiit, allamik suliffeqarneq imaluunniit politikikkut suliaqarneq

Suliffeqarfimmi ingerlatani allani aqutsisutut suliaqarnissamut akuersineq soqutigisanik aporaaffiusinnaavoq. Pisortaanerup ilisimariinngisaanik aammalu akuerseqqaarsimatinnagu, sulisoq suliffeqarfimmi ingerlatani allani suliaqarnissamut akuerseqqusaanngilaq. Pisortap sulisoq peqatigalugu soqutigisanik aporaattoqaratarsinnaanersoq nalilersussavaa, aammalu suliassaq siulersuisut siulittaasuannut qaqissallugu. Akuersissuteqarneq pisortaatitanit tunniunneqartarpoq.

Sulisut pisortaatitanit akuersissummik pereersimangikkunik, GOSR akuersiteqqaarnagu pingaaruteqartumi allami suleqqusaanngillat. Sulisoq allami sulilerpat imaluunniit siulersuisuni ilaasortaalerpat, tamatumani GOSR-imi suliassaasa sularineqarnerat ajorseriartinneqassanngilaq. Tamanna GOSR-imi siulersuisuinit akuerineqaqqaarsimangippat, pisortaq isumaqatigiissuteqarluni siulersuisuni suliaqqaqusaanngilaq.

Sulisup sulinissaanut siulersuisuniluunniit suliaqarnissaanut akuersissuteqarneq, suliaqarneq GOSR-ip soqutigisaanut ataqatigiisneqarsinnaajunnaartutut nalilerneqarpat, GOSR-imit utertinneqarsinnaavoq.

Sulisut politikkimut tunngassutilinnut pisuni akuunissamut kiffaanngissuseqarput, kisianni akuuneq taamaattoq GOSR-imut attuumassuserneqassanngilaq aammalu aningaasarsiaqaatigalugu sulinerup nalaani ingerlanneqaqqaasaanani. Sulisup politikkimut tunngassutilinnut pisuni akuunera suliffeqarfimmi suliassaminik

suliarinninneranik ajornerulersitseqqusaanngilaq.

Paasissutissat aamma IT atorlugu periaatsit

nalilinnik annaasaqarnissap imaluunniit atornerluisoqarsinnaanerata pitsaaliornissaa siunertaralugu, paasissutissat aamma allagaataasivimmiittuutit GOSR-ip aamma ingerlatseqatigiiffiit ingerlatsinermi attaveqarfigineqartartut pigisaasa isumannaatsuutinnissaat, sulisut tamarmik aamma allat GOSR sinnerlugu suliaqartut akisussaaffigivaat. Paasissutissat isertuussassat aamma allagaataasivimmiittuutit ingerlatseqatigiiffiup suleriaasii naapertorlugit suliarineqassapput.

Paasissutissanik, IT atorlugu periaatsinik aamma internet atorlugu kiffartuussinernik sulisut tamarmik atuinerat, suliffeqarfiup pisariaqartitaannit aqunneqassaaq aammalu inuttut soqutigisat aallaavigineqassanatik.

Paasissutissat GOSR-ip IT atorlugu periaasiini pilersinneqartut toqqorneqartullu ingerlatseqatigiiffiup pigisaatut isigineqassapput. Taamaattumik tamanna inatsisitigut allatigulluunniit isumaqatigiissutitigut killilersorneqanngippat, GOSR paasissutissanut taama ittunut tamanut isersinnaatitaavoq.

Paasissutissat inatsisinik unioqquitsinertut, narrujuumminartutut tulluanngitsutulluunniit nalilerneqarsinnaasut qanoq ilinikkulluunniit passunneqassanngillat, aaneqassanatik, toqqorneqassanatik imaluunniit siammarterneqassanatik.

Paasissutissanik programmimilluunniit nioqquutinik aallerneq, toqqorsineq imaluunniit siammarterineq piginneqqaartussaataaernermit inatsisinik aaliangersakkanilluunniit unioqquitsinermik malitseqartut, akuerisaanngillat.

Naammagittaalliuutit aamma aarlerissuteqarnernik nalunaarutiginninnerit

GOSR-ip sulisuni tamaasa akisussaassuseqartumik kinguneqarluartussamik allaffissornerujussuunngitsumillu pissuseqarluni ammasumik oqallitarnissaannik, kaammattorpai. Tamanna isumaqarpoq naammagittaalliuutit tunngaviummik qullersamat qaninnermut saaffiginnissutigineqartassasut.

Sulisoq ajunngitsumik isumaqarluni inatsisinik imaluunniit ingerlatseqatigiiffiup malittarisassaannik unioqquitsisoqarsimasinnaanera aarleqqutigalugu nalunaarutiginnilluni, qullersarinngisaminut ingerlatseqatigiiffimmi susassaqartumut allamat saaffiginnippat, GOSR-imit pineqaatissinneqannginnissamat sulisoq illersugaavoq. Unioqquitsinernik taama ittunik nalunaaruteqartoq immikkoortitsilluni pineqarpat imaluunniit uumisaarinernik pisoqarpat, tamanna GOSR-ip ingerlatsinermi ileqqorissaarnissamat malittarisassiaannik unioqquitsinertut isigineqassaaq. Allamik ajoqusiinissaq ersarissumik siunertaalluni paasissutissanik eqqunngitsunik nalunaaruteqartoq, Kalaallit Nunaanni inatsisit aamma sulisoqarnermut maleruagassat naapertorlugit qisuariarfigineqaratarsinnaavoq.

Ilitsersuutit

Ingerlatassaq imaluunniit iliuusissaq GOSR-ip ingerlatsinermi ileqqorissaarnissamat malittarisassiaannik unioqquitsinerunersoq pillugu ilitsersorneqarnissaq aamma paasinarsisitsinissaq pisariaqartinneqarsinnaalluni, GOSR-imi suliaannik ingerlataqarnermut atatillugu pisoqalersinnaavoq.

Paasinarsisitsinissaq sulisup qullersaanit qaninnermut ujartorneqartariaqarpoq.

GOSR-ip ingerlatsinermi ileqqorissaarnissamat maleruagassiaannik unioqquitsinerup kingunerisassai

GOSR-ip ingerlatsinermi ileqqorissaarnissamat malittarisassiaannik unioqquitsineq kukkuluttorneruvoq ilungersunartoq. Tamanna GOSR-imut ajoqusiinnaavoq imaluunniit Namminersorlutik Oqartussat soqutigisaannik ingerlatsivimmi aqutsinermut aamma ingerlatsiviup ingerlanneqarnera aqunneqarneralu eqqortuunersoq

naammaginaruunersorlu piginnittup imaluunniit inuiaqatigiit tatiginninnerannik ajornerulersitsisinaalluni. Unioqqutitsinerit suunerinut annertussusaannullu naapertuuttumik qisuariarfigineqassapput. Unioqqutitsinerit Kalaallit Nunaanni inatsisit aamma sulisoqarnermut maleruagassat atuuttut malillugit suliarineqassapput aammalu sulisumut kinguneqartinneqarsinnaassallutik, ilanngullugit sulisussaajunnaarsitsineq/soraarsitsineq, oqartussanut attuumassutilinnut nalunaarusiorneq, aamma annaasaqarnermut imaluunniit ajoqusiinermut taarsiivigineqarnissamik piunasaqarneq.

Nuuk 30/08/2019

Klaus Kuch Jensen
Pisortaaneq
Greenland Oil Spill Response A/S